

R E S P O N C E

A V N C E R T A I N
E S C R I T, P V B L I E' P A R
l'Admiral & ses adherans, pre-
tendans couvrir & excuser la
rupture qu'ils ont faite de l'Edict
de Pacificatiõ, & leurs nouveaux
remuemens & entreprinſes cõtre
l'Eſtat du Roj, & le bien & repos
de ſes ſubiectz.



A P A R I S,

Chez Claude Fremy, en la rue ſainct
Iaques à l'enſeigne S. Martin.

1 5 6 8.

Avec Priuilege du Roy.

S

+

*L*E Roi a permis a Claude Fremy marchand Libraire
en l'Vniuersité de Paris, d'imprimer & mettre en
vente un discours intitulé, Responce à vn certain
escriit publié par l'A dmiiral & ses adherans, pre-
tendans couvrir & excuser la rupture qu'ils ont
faite de l'Édict de Pacification, &c. Deffendant sa
Majesté a tous autres Imprimeurs, imprimer ny distri-
buer ledit discours, sans la permission dudit Fremy, ius-
ques au temps & terme de trois ans, comme appert par
sa permission donnee audit Fremy ce deuxiesme Octobre,
1568.

Signé

ROBERTET.

RESPONSE A VN
CERTAIN ESCRIT, PVBLIE'
par l' Admiral & ses adherans , pre-
tendans couvrir & excuser la rupture
qu'ils ont faite de l'Edict de Pacifica-
tion, & leurs nouveaux remuemens &
entreprinſes contre l'Eſtat du Roi, &
le bien & repos de ſes ſubiectz.



'Eſt choſe qui
pourroit ſembler
eſtrage à toutes
perſonnes de ru-
de & ſimple en-
tendement, & qui
n'ont q̃ biẽ peu
de cognoiſſance des affaires du mō-
de, que nous voyons ſi ſoudainement
ce Roiaume recidiuer en des altera-
tions & remuemens dont il ne fait à
grãd peine q̃ releuer, n'aiãt eu le tẽps
ny le loĩſir de reprendre ſes eſprits

auparauant affoiblis & diminuez par
l'entretènement d'une forte maladie
desia plus que septenaire. Mais enco-
res y a il plus d'apparence, que aucuns
d'iceux estans enuoloppez & preue-
nus de quelque passion particuliere,
au premier bruiet & rumeur d'une
troisiesme emotion, conceurent &
s'imprimeront des opinions bien e-
stranges, & pour la pluspart eslon-
gnees de la verité & iustice de ceste
cause. Partant il est plus que besoing
& necessaire en ceste varieté & incer-
titude de iugemens, & afin de ne lais-
ser aux bons & fideles subiectz du
Roj, aucune sinistre impression des
actions & deportemens de sa Maie-
sté, declarer & deduire sommaire-
ment les moiens & deffences de ce-
luy, lequel iusques icy, & en paroles
& en effect, s'est contenté de la defen-
siue, combien que de droict diuin &
humain

humain, l'offensue luy fust & soit
encores si iuste & legitime, qu'elle ne
se puisse reuoquer en doute, sans vn
euident crime de rebellion. Et d'au-
tant que le droict d'un different ne se
peut mieux esclarcir que par la com-
paraison des allegatiōs des deux par-
ties (iaçoit que le subiect ne doiu
entrer en competence avec son sou-
uerain Seigneur) ce ne sera hors de
propos de repeter les plus pregnātes
& principales raisons, forgees & in-
uentees nouuellement par l'Admi-
ral & ses adherans, pour couvrir &
excuser le trisiesme attētat & entre-
prinse qu'ils ont faicte contre l'estat
du Roj, & le bien & repos de ses
subiectz.

Mais auant que d'y entrer, ie ne
puis me contenir de publier le dueil
& regret que le bon peuple François
mōstre porter & auoir en son cuer,

que M^osieur le Prince de Condé se
laisse ainsi mener par le nez, & se las-
che tellement aux piperies & enfor-
celemens d'un petit gentilhomme e-
stranger, que pour luy adherer il soit
contrainct abandonner son Prince &
Messeigneurs, ausquels il a cest hon-
neur d'appartenir, se separer & di-
uiser de Messieurs les Cardinal de
Bourbon & duc de Montpensier, &
se declarer ennemy à credit des au-
tres Princes & seigneurs de ce Roy-
aume, dont les vns luy sont cousins
germains, & les autres parents & al-
liez, & to⁹ ensemble desireux de son
honneur & accroissement, plus que
luy mesmes. Et ne faut point douter,
estât prince de grād lieu & genereux
comme il est, que s'il se pouuoit reti-
rer pour cinq ou six iours seulement
de la compagnie dudiect Admiral, &
estoupper ses oreilles aux vaines &
friuoles

friuoles eſperances dont il le tient & l'a tenu enſorcelé & enyuré iuſques ici, ce ne luy fuſt bien autant de plaiſir & contentemēt, que de grandeur & reputation, de ſe reünir avec ſon Roj, ſes parés, amis, & ſeruiteurs, leſquels ont a toutes heures les bras ouuerts pour l'embraffer & recueillir. Mais auſſi ne ſommes nous point hors d'eſpoir, puis que Dieu l'a doué d'vn ſi gentil naturel, que bien toſt il ne vienne a peſer & cōſiderer, combien il y a de hazard, tant pour les biens que pour la vie, de ſe priuer avec ſi peu d'occafion, de la bōne grace de ſon ſouuerain ſeigneur & maître, & duquel autrement il ne doit attendre que toute douceur & amitié. Qui plus eſt, comme du coſté du Roj, on luy a touſiours offert & promis toute ſeureté, & de luy faire le plus honeſte recueil & gratieux trai-

êtement, que les plus grands & affectionnez seruiteurs pourroyent prétendre: De l'autre part ie ne voy point que quand bien les entreprinſes dudit Admiral reüſſiroiēt (ce que Dieu ne permettra iamais) & que l'inuaſion & conqueſte de ce Royaume fuſt auſſi aiſee qu'il pēſe, les deſſeings deſpieça par luy proiectez y eſtre apparens, ledit ſieur Prince en peuſt rapporter autre fruit qu'vne vilaine mort, aduancee & precipitee par vn doux ſoinmeil plus long que de **xxiiii.** heures, eſtant vne maxime & reigle ordinaire & treſcertaine, q̄ le tyrā & vſurpateur de quelque eſtat, aiant exterminé les vrais & legitimes poſſeſſeurs & ſeigneurs d'iceluy, ne ſ'eſtime point bien aſſeuré ni eſtably pendant qu'il en demeure vn ſeul du ſāg & de la race, ores q̄ de quelcun d'iceux il ſe ſeroit ſeruy & aidé en ſes deſſeings.

Que

Que si le Roy, les Princes & Seigneurs, & tout le bon peuple François, a quelque occasion de regretter que ledit Prince de Condé se soit tellement lasché aux alleichemens & vaines esperâces de grandeur proposees par ledit Admiral, de combien sera il maintenant plus dolent, de veoir que par mesmes artifices surprenât l'imbecillité d'une femme & d'un ieune Prince, qui a cest' honneur d'estre le premier du sãg apres le Roy & Messeigneurs, il les ait attiré à sa cordelle, leur face legieremēt & contre l'aduis & volonté de leurs principaux parës, amis, & seruiteurs, & du plus grand nombre de leurs vassaux & subiects, leuer les armes, les aiguiser & conuertir contre leurs propres entrailles, & mettre en euident peril ce qui leur reste d'estat, pour avec le pris de leur ruine procurer & recher-

cher celle du Roy, du peuple, & de tous les Princes, Seigneurs, & Gentils-hommes de ce Roiaume?

Et combien que lediēt Admiral ne soit d'autre volonté qu'ont esté ceux dont il ensuit de si pres les traces, & que quelquefois il ait decouvert a vn sien amy, ie dy de ses plus intimes & familiers, que à l'imitatiō de tous les grands & anciens entrepreneurs, il se seruoit pour vn temps du nom & autorité desdits sieurs Princes, pour sans enuie & avec moins de soupçon persecuter & aneantir toute la principaulté & hauteur qui estoit en ce Roiaume (amenant à ce propos l'histoire de Iules Cesar, lequel pour afferuir la Gaule faidoit de ceux d'Ostun, & de certains autres peuples particuliers) si est-ce q̄ pour pallier & couvrir plus finement la tromperie, il fait estat & mar-

marchādise de nous presenter à toutes hurtes le nom dudit sieur Prince de Condé, soit en lettres & Ambassades qu'il depesche à la Cour, ou bien aux mandemens qu'il enuoye a les Eglises & consistoires : nom toutefois n'estant aujourdhuy en tel respect & reuerence que au parauant a l'endroit dudit Admiral, lequel escriuant à sesdictes Eglises conioinctement avec ledict Prince, pour monstrier l'egalité de sa grandeur, tout au pres de Loys de Bourbon, met & signe Chastillon, en mesme reng.

De façon que dès maintenant tout ainsi que depuis le commencement des troubles nous aduouons & recongnoissons ledict Admiral le principal chef de toute la rebellion, auteur & conducteur des factieux, enneiny coniuré du Roy & de son peuple, & perturbateur du repos

public. Ce sont les qualitez esquelles
il procede contre nous, s'estant sous
ie ne sçay quelle apparence & espe-
rance qu'il fonde sur la reuolution
des temps, & dôt il esblouit les yeux
des plus liguez & associez à son par-
ty, remis pour la troisieme fois a la
campagne, ralliant tous les desespe-
rez & malcontens, remuant la terre
& les enfers pour confondre & ren-
uerfer cest estat.

C'est donc contre ledict Admiral,
que le Roy apres auoir si longuemēt
tēporisé & essayé tous les moyens de
le fleschir, est contrainct (voire auec
telle & si vrgente necessité qu'il ne
peut faire autrement sans vn extreme
péril de sa persone & de son sceptre)
implorer premierement l'aide & fa-
ueur de ce grand Dieu tout bon &
tout-puissant, protecteur des inno-
cens & affligez, & vengeur des iniu-

res

res qui sont faictes à la vefue & aux
orphelins, interpellier l'assistance des
Princes voisins & estrangers, som-
mer & requerir le secours de la no-
blesse, & de tous autres ses bons sub-
iects & seruiteurs, pour maintenir &
conferuer ce qui luy est acquis du
droict d'heredité, & delaiissé par ses
predecesseurs: & qu'aujourd'huy vn
petit estrāger allaieté & nourry ten-
drement du laiēt de la France, & en-
graissé de ses bienfaicts, luy veult ra-
uir & voler avec vne façon la plus
masquee, & neantmoins la plus in-
digne qui ait iamais esté inuentee par
tous les plus impudens & effrontez
pipeurs du monde.

Or oyons ce bon simple homme
alleguant pour se purger & iustifier
de l'infraictiō qu'il a faicte de l'Edict
& traicté de paix, qu'il luy a esté ne-
cessaire d'vser d'vne extreme & der-

nier remede, pour preuenir vn extre
me danger de la liberte de sa consci-
ence. Et la dessus si en vn mot on luy
disoit, qu'il n'y a loy ciuile, ny texte
en l'escriture, qui licencie le subiect
pour ceste occasion de s'esleuer &
prendre les armes cōtre son prince.
Et au cōtraire, que c'est vne toute no
toire rebellion condamnée de Dieu
& des hōmes, & qui n'a iamais trou
ué defence, mesmemēt entre les Bar
bares, & que la vertu & perfection
des Chrestiens primitifs reluisoit en
souffrant & portāt les persecutions
qu'ils receuoient par les glaiues des
Payēs, sans leur faire plus de resistan-
ce que de l'exemple & de la saincte-
té de vie: ne seroit-ce pas vne respon-
se par trop pertinēte, & entierement
conforme à la verité des sainctes let-
tres ? Mais disons d'auantage (ce qui
ne se peut aussi nier) que depuis que
le

le Roy luy a toleré pour la rigueur
du temps, d'auoir ceste liberté qu'il
appelle de conscience, ne luy a esté
faicte aucune force ny violence, &
que pour quelque trouble & empes-
chemēt que luy & les siens aient dō-
né aux Catholiques, iusques à les vo-
ler, meurdrir & saccager: la iustice
leur a esté si douce & indulgēte, que
pour ce seul crime nul d'entre eux se
peut plaindre d'en auoir esté puni se-
lon la moindre peine des loix & or-
donnances de sa Maiesté: laquelle
pour ne rien aigrir, & pour ne point
souiller ses ieunes ans du sang de ses
subiects, quelques scelerez & coul-
pables qu'ils fussent, a iusques à pre-
sent esté aduisee & conseillée, & de
soymesme induite par sa bonté naï-
ue, de couvrir toutes leurs fautes du
manteau d'oubliance, estimant par
ceste yoiē les pouuoir ramener à l'o-

beissance qui luy est deüe, & de laquelle le plus grand nombre s'estoit soustraict, par les subtils & industrieux artifices dudit Admiral. Mais c'est ainsi que tels moqueurs ont accoustumé de recongnoistre la grace qui leur est faicte en la souffrance & impunité de leurs forfaitts : & apres qu'ils ont entrepris par trois & quatre fois d'exterminer le Roy, Messieurs, & la Roine leur mere, & que le May & tels autres assassins ont a l'article de la mort, nommé & reuelé ceux desquels ils estoient attiltrez & subornez, apres que par vne longue licence ils se sont permis de vendre les villes & ports du Roy, aux naturels & anciens ennemis de la couronne, les introduisant aux plus interieures parties d'icelle, de faire piller & rauager tout le Royaume par des harpyes estrangères, & apres que le
meurdre

meurdre des Princes, Lieutenans généraux, Officiers, & Magistrats de iustice, & Pasteurs de l'Eglise, & tous autres excez leur ont esté remis & pardonnez, & que iusques a ce iour d'huy le peuple a faict ioug à leurs oppressiōs & cruauitez, c'est lors que par maniere de risée & mocquerie ils se plaignent d'auoir esté rudemēt traictez du Roj, & qu'ils se disent estre contraincts pour la tution de leurs vies, honneurs, & biens, d'empoisonner les balles & la pouldre de leurs pistolles.

Et afin de donner plus de couleur & fondement à leurs attentats & entreprises, il nous preschent ordinairement vn complot faict à Bayonne a l'entreueüe de leurs maiestez & de la Roïne Catholique, dōt toutesfois les effects ont faict veoir & cognoistre euidentement que c'est vne pure

calūnie & imposture que lediēt Ad-
miral a cuydē luy estre propre pour
tenir en ceruelle les freres de ses Egli-
ses. Car tout au rebours lon sçait que
depuis ladiēte assemblee de Bayon-
ne, luy & les principaux ses adherās
se sont trouuez par plusieurs fois a
S. Maur & ailleurs, en lieu ou leurs
maiestez auoient bien le moyen s'ils
en eussent eu la volonte, de se deffai-
re d'eux pour vne nuit, & d'en estein-
dre la race & la memoire. Et tant s'en
fault qu'il y eust aucun complot ny
conspiration de l'executer, que peu
de temps apres, le Roy pour plus es-
troictement les obliger, & afin de
leur bailler occasion de cesser leurs
ports d'armes, & de s'asseurer sur sa
parole, feist commandement a mes-
sieurs de Guyse, de se desister de tou-
tes les pcursuittes qu'ils auoient con-
mēcees, & desiroient cōtinuer pour
auoir

auoir iustice de l'assassinat commis en la personne du feu seigneur Duc de Guyse. I'adiousteray a toutes ces faueurs l'infinité & immensité des dōs, & pēsions que ledict Admiral & ses complices ont tiré du Roy, pour se cōtenir aucunement en leur deuoir, & ne rien remuer ni alterer le repos public. Qui sont toutes raisons irrefragables, pour monstrier clairement que l'intention de sa maiesté n'a iamaïs esté autre q̄ de faire viure doucement ses subiectz, sous le benefice de ses Edicts, tant & si longuement qu'ils s'y rendroient obeissans, & d'amollir & vaincre le cueur selon du dir Admiral par bienfaicts & aduancemens, plustost que par la seuerité des loix & de la iustice : ne pouuant au reste subsister aucunement ce que ledict Admiral allegue ledit prétendu complot de Bayonne auoir esté re-

uelé audit sieur Prince de Condé par
le feu Prince de la Roche Suriô: d'au-
tant que chacun sçait combië lors &
iusques à la mort ces deux Seigneurs
ont esté en mauuais mesnage à l'oc-
casion de la rupture d'un certain ma-
riage. Et partant n'y a fondement ny
apparëce que l'un eust voulu declarer
& descouurir à l'autre un secret de
telle importance.

Ouy mais ils diront que le Roy
pour marque d'infidelité & rebelliô
a faict dementeler les villes qu'ils a-
uoient occupees pëdant les premiers
troubles, & bastir des Citadelles, pre-
tendans neantmoins n'auoir lors pris
les armes que par expres commâde-
ment de la Roine, & pour redimer le
Roy de la captiuité en laquelle il a-
uoit esté mis & cōstitué au chasteau
de Meleun, par le feu Roy de Nauar-
re, les seigneurs de Guise, Connesta-
ble,

eum intrepide excipiendum spectant, & curari debent à patriæ suæ atq; ciuiū suorum amantibus ac diligentibus patronis. Sed anteq̃ tanta excitetur in rep. tempestas, ex qua ipse quicquid Christo audit, ad exitium & vastitatem vocari non ignorat, iam inde ab initio vt iniretur via, qua sanguini parceretur, aut aliquid saltem adhiberetur temperamenti, hæc me apud vos commemorare voluerat: vtq; intelligatis, si ad arma cum Cæsare veniat, non suam eum voluntatem, sed tuendi se, atq; iniuriæ propulsandæ necessitatem adduxisse. Quod quum præsentī mihi perficere non licuerit (multa enim frustra & apud multos sum expertus) ad extremū literarū subsidio esse vtendū duxi, Reuerendissimas & illustrissimas Amplitudines vestras interim obsecrās, vt qd super hac æquissima Regis mei ac liberorū eius petitione statueritis, mihi per hūc nūciū rescribere ne grauemini. Reuerendissimi, Illustrissimi. &c. Deus opti. max. easdem Amplitudines & dignitates vestras tueatur & fortunet, atq; in hoc graui nimirum & urgente negotio, vereq; ad vniuersos ptinente, ea vobis inspiret cōsilia, quæ tā vestri officij ratio, quàm Christianæ rei exigit necessitas.

VT CONSTET ETIAM

hunc Franciscum Regem agnitū
esse hæreditariū Ducē Medio-
lani à Maximiliano Cæsa-
re, visum est adijcere lo-
cum hunc ex inuesti-
tura per eū cōcessa.



IVSDEM Serenissimi Lu-
douici Francorum regis suppli-
cationib⁹ inclinati, recepto pri⁹
à præfato Reuerendissimo &
Illustris. domino cardinale, nun-
cio & procuratore ad hæc specialiter desti-
nato, prout nobis cōstitit, literis patentibus
prædicti Regis & Ducis Mediolani, datis
Pischeriæ, die quinto præsentis mensis Iu-
nij subscriptis manuali signo eiusdem Re-
gis, ac per Robertet secretariū suum signa-
tis & sigillatis in cera rubea, debito ac in si-
milibus præstari solito fidelitatis & homa-
gij iuramento, quod idem procurator & nū-
cius in animam dicti Regis sui in præsentia
rite & de more curiæ nostræ Cæsareæ nobis
præstitit, Sano ad hoc & maturo accedente
Principum, Comitum, Baronum, & Proce-
um nostrorum consilio, ex nostra certā

scientia, & de nostræ Cæsareæ potestatis plenitudine, prænominatum Ludouicum Frācorum regem Christianissimum pro se & hæredibus suis masculis ex suo corpore legitime descendantibus, & in defectum masculorum, pro Illustrissima domina Claudia eius filia, illiusq; futuro sponso, ac liberis, & descendantibus eorum masculis, & ex ipso matrimonio & ex corpore dictæ dominæ Claudie legitime procreandis. Et si contingeret (quod Deus auertat) ipsam Dominā Claudiam decedere absq; descendantibus masculis, & præfatum Regem Franciæ aliā vel alias suscipere filias, pro illa quæ erit primogenita, vel pro alia quam ipse Rex ad ipsum Ducatum eligeret, ac pro eo cui contingeret eam desponsari, & eorum liberis masculis descendantibus, & eisdē decedētib; sine liberis p hæredibus masculis præfati Frācorum Regis, & maxime pro domino Francisco duce Valesij, & comite Engolismensi, quantum ad dictum ducatum, & statum Mediolani eius hærede, & deinde pro alijs qui illo tempore venient ad suscipiendam inuestituram, de vniuerso ducatu & statu Mediolani, & comitatibus Papiæ & Angleriæ, &c. ac de quibus præde-

cessores sui duces Mediolani per Roma-
nos principes inuestiti fuerunt, &c. a qui-
bus dictus Rex Christianissimus originem
traxit, &c. solenniter & expresse inuestien-
dum duximus, ac tenore præsentium in-
uestimus.

FINIS.



ble, & Mareſchal S. André. Je laiſſe à parler de l'occaſion deſdits rafemens & conſtructions de Citadelles, eſtant biẽ d'accord avec ledit Admiral, que de tout tẽps ceſte façon a eſté pratiquee, pour remarquer à la poſterité la rebellion des mauuais ſubieçts qui ſ'eſtoient tãt oubliez que de ſe reuolter contre leur Prince. Mais quant à l'adueu ſi ſouuent châté & declamé par ledit Admiral contre la Roynẽ, eſtant bien & deuement informé cõme toutes choſes ſe ſont paſſees, ie me rendroie deſerteur de l'office & deuoir de bõ ſubieçt, tel que ie veux eſtre & demeurer toute ma vie, ſi ie laiſſoie paſſer legeremẽt vne ſi impudente menterie & impoſture.

Et pour en eſclarcir ceux qui ont eſté cy deuant ſiniſtrement imbus & imprimez, ie diray (cõme auſſi la verité de l'hiſtoire eſt telle, ſelõ meſme

que depuis le Prince de Cōdé l'a confessé & recōgneu à Molins, en la presence de Monsieur le Cardinal de Bourbon son frere) que peu au parauant le commencement des premiers troubles, ledit sieur Prince s'estât mis en l'esprit quelques soupçons & opinions qu'on le voulust prendre, enuoya Bouchauannes vers la Roine, pour la supplier qu'elle trouuast bõ, puis qu'il estoit sorti de Paris par son cōmandemēt, qu'il se tint en sa maison de la Ferté, accompagné & en armes, pour la seurcté de sa personne, & à c'est effect luy en escrire vne lettre, afin de la monstrier si on l'en vouloit reprendre, luy promettant de ne bouger, n'y s'esmouuoir sans son expres commandement, & de se desarmer toutes les fois qu'elle luy manderoit, fust-ce par vn laquais. Ce que ladite Dame luy auroit permis pour
ceste

ceste intention, & à ceste charge, &
non autrement, ainsi qu'il est porté
par la lettre qu'elle en escriuit lors
audiect sieur Prince, & incōtinent a-
pres eſtāt aſſeuree par le feu Roy de
Nauarre ſon frere, & feuz Meſſieurs
de Guyſe, Cōneſtable, & Mareſchal
de S. André, qu'ils ne luy pourchaſ-
ſoient aucun mal ny deſplaiſir, ains
deſiroient qu'il vint trouuer le Roy,
a fin de luy leuer les ſoupçons & deſ-
fiances qu'on luy auoit imprimees,
pour l'embarquer & luy faire pren-
dre les rames, ladiecte Dame luy deſ-
peſcha ſon maiſtre d'hoſtel Serlan, le
priet de poſer les armes, & de la ve-
nir trouuer, & l'aſſeurant qu'il ne re-
ceuroit nul mal, ains hōneur & bon-
ne chere de ſon Roy, & de toute la
compagnie, & ne le faiſant, que ledit
ſeigneur ſe mettroit cōtre luy. Mais
auant que ledit Serlan y arriuaſt, le-

dict sieur Prince estoit desia parti de
la Ferté pour s'acheminer à Orleans,
ayant renuoyé Bouchauannes pour
apprendre des nouuelles de ce que
leurs Maiestez faisoient & dessei-
gnoient. Dont ladicte Dame eut bié
occasion de s'aigrir & offenser, tant
pource que ledit Bouchauannes luy
teut le partement de son maistre, ius-
ques à ce qu'il fut passé S. Cloud:
côme aussi de veoir que ledict Prin-
ce luy ait tiré vne lettre sous pretex-
te de cōseruer sa vie en sa maison, &
qu'il s'en soit serui & preualu à rui-
ner ses enfans & le Royaume: Et d'a-
uantage en ait fait publier d'autres,
pour dōner quelque couleur & fon-
dement à la rebellion, ou il se laissoit
aller & precipiter par ledict Admi-
ral, lesquelles ont esté demēties par
celles qu'il a receües de ladicte Da-
me toutes au contraire, & dont il n'a
iamais

iamais osé pour ceste occasion mon
strer ni exhiber les originaux.

Et comme nous ne doutōs point
que ledit Prince ne soit plus induict
à commettre telles erreurs & supposi-
tions par l'instigation dudit Admi-
ral, que de son ppre naturel & mou-
vement, qui en doit estre du tout es-
loigné & aliene, aussi en auōs nous
iusques icy reiectez la principale fau-
te sur ledict Admiral : comme pareil-
lemēt de ce que ledict Prince au pour-
parler de Bougēci, ayāt promis & iu-
ré a ladicte Dame & au Roj de Na-
uarre, de quitter les armes, licentier
ses troupes, & reprendre sa premie-
re obeissance, rompit sa foy, & reuo-
qua ses promesses, luy aiant esté re-
proché tout hault par ladicte Dame,
qu'elle s'en retourneroit sans luy,
mais qu'elle remporteroit sa foy &
son honneur qu'il luy auoit obligé

entre ses mains.

Tellement que par là, sans qu'il soit besoing de parler d'aduantage dudit sieur Prince, il est aisé à iuger de l'integrité dudit Admiral, laquelle se cognoist encores plus en la reuerence & respect qu'il porte à la memoire de feu monsieur le Connestable, son oncle & bienfaicteur, & du Roy de Nauarre frere dudit sieur Prince, n'ayant honte leur imputer & imposer qu'ils ayent avec les feuz seignrs Duc de Guyse & Mareschal de saint André, tenu le Roy prisonnier au chasteau de Meleun: chose aussi malheureusement controuuee que tout ce que dessus. Mais ce pendant il se deueroit bien contenter du meurtre de ces seigneurs, dont il a esté seul cause, & pour le tout (ayans esté deux d'entre eux tuez de froid sang, & par des assassins pratiquez de longne main, &
des

des autres deux, l'un harquebousé en
vne tranchee, & l'autre assommé à la
campagne par des soldats de son ar-
mee) sans le vouloir charger apres
la mort de calomnies si euidentes, &
mesmes ayant autrefois iuré & pro-
mis de se departir de ceste façon de
maledicence, comme estant du tout
indigné de la professiō d'un homme
de biē, & qui doit estre enseuelie au
tumbeau d'obliuion par le Traicté
de Paix.

Lediēt Admiral continuant de fon-
der & fortifier les doutes & soupçons
qu'il pretend auoir eües d'entrer en
desfiāce des promesses & seurtez du
Roj, met en auant en termes gene-
raux, & sans rien specifier, que sa ma-
iesté auoit tenu quelq̃ conseil à Mar-
chais & à Mōceaux au mois de Sep-
tembre dernier, où il auoit esté arre-
sté de se saisir de luy & des p̃ncipaux

chefs de sa ligue. Qui est semblable-
mēt vne Chimere en l'air, & vne in-
vention pour faire marcher les con-
sistoires. Et de ce, monsieur le Cardi-
nal de Lorraine en a escrit bien am-
plement audict sieur Prince de Cōdé
vne lettre de sa main, laquelle quād
il luy plaira cōmuniquer a ceux de
sa Religion, lon ne doute point qu'
ils ne demeurent bien & entierement
satisfaiçts & esclarcis de ce faiçt.

Et quant au pretexte que prent le
dict Admiral sur la leuee de six mil-
le Suisses, ie m'en remets à la respon-
ce qui en a par cy deuāt desia esté fai-
cte: & à ce mesmes que feu monsieur
le Connestable luy en a si souuēt es-
crit, dōt il se deuoit bien cōtenter &
se reposer sur la parole d'un seigneur
de telle foy, droicture & verité: &
adiousteray seulement que par l'ad-
uis & conseil dudict sieur Prince &
des

des trois Chastillons , estans lors la Cour à S. Germain en Laye, le Roj resolu de s'armer : & outre les creües des cōpagnies de gens de pied , faire quelque leuee d'estrāgers . Il est bien vray que l'Admiral le prenoit biē autrement esperant & desseignāt par là de mettre en guerre sa maiesté avec le Roj d'Espagne son frere, sous couleur de la descēte & arriuee du Duc d'Alue au pays bas : & aiant a cest effect lediēt sieur Prince fait offre de fournir de sa part vn grand nombre de gens de pied , & iusques à six mille cheuaux, qu'il leueroit és cōtreees & endroiēts de son obeissance . Et pour dire tout, lediēt Admiral aduenant qu'il ne peust rompre ceste ferme amitié & parfaicte intelligence des deux Rois, faisoit bien son cōpte que les creües qui se feroient des gēs de pied, seroient autant d'hommes à
sa

sa deuotiō, pour ce que le sieur d'An
delot son frere en auroit la charge &
le commandement.

Mais d'autāt que par la prouiden-
ce De Dieu, & par la prudence de la
Roine, secondee & soustenuë du sa-
ge conseil de monsieur le Cardinal
de Bourbon, les choses ont esté ma-
niees tout au rebours de ses desseings,
& q̃ les creuës ont esté faiçtes és regi-
mēs des sieurs de Brissac & de Strof-
si, tres-fideles & affectionnez serui-
teurs du Roy: & d'ailleurs que lon
feist venir six mille Suisses au lieu
des Lansquenets, que le Cardinal de
Chastillon vouloit estre leuez. c'est
pourquoy ledict Admiral se plainct
si souuēt de la leuee desdicts Suisses,
aiāt esté debouté de ses fins & moiës,
soit de pouuoir allumer vne guerre
estrangere, sous la faueur de laquel-
le il esperoit amplifier & fortifier de
plus

plus en plus sa faction; ou bien avec des compagnies nouuelles faictes de la main dudiect sieur d'Andelot son frere, & suiuant les memoires & instructions se saisir du Roj; de la Roine mere, de Messeigneurs, & d'executer en leurs personnes ce que depuis il a entrepris & attenté, & dont la partie fut remise à la veille de saint Michel.

Et ne fault qu'il s'excuse sur ce qu'il dit auoir esté bien aduertí, que lors sa maiesté fut sómee & interpellée par vn personnage enuoyé expres de la part du Duc d'Alue, de la promesse qu'il auoit faicte à Bayonne, d'exterminer ceux de la Religion nouuelle, & que pour cela ils furent cōtraincts venir en armes trouuer le Roj à Meaux, pour luy presenter leurs remonstrances. Car premierement on n'a iamais ouy parler de ceste legation,

trop bié que le Duc d'Alue depescha
vers sa maiesté vn gentilhōme pour
luy leuer l'opiniō que quelques vns
s'efforçoient luy imprimer, que les
forces du paysbas luy deussent estre
suspectes : & que seulemēt il se tenoit
ainsi armé pour asseurer l'estat du
Roj son maistre , lequel on sçauoit
n'estre encores du tout bien estably :
& au demeurant qu'il congnoissoit
les deux Maiestez si vnies & liees par
vn si estroit lien d'amitié & alliance,
que pour ce respect, & pour le bien
commun de leurs affaires, qui cou-
royent mesme fortune , ils ne pou-
uoient auoir aucune doute ny ia-
lousie des forces & amas les vns des
autres . D'auantage quant à leur ve-
nue en armes pour rencontrer le Roj
entre Meaux & Paris, ie leur ramen-
teueray seulement la respōce qui leur
fut faicte la dessus, par le feu sieur de
l'Aubespine

l'Aubespine, qu'il estoit bien permis
aux subiects de faire entendre à leur
Prince par forme de requeste leurs
griefs & doleances, mais non pas de
comparoistre en telle compagnie, &
de la façon que les Iuifs allerent au
iardin des Oliues, pour apprehender
nostre Seigneur, ne me pouuant au
reste assez esmerueiller, que ledict
Admiral prenne plaisir de rememo-
rer si souuent ceste belle iournee,
dont la seule souuenance, à luy & a
tous ceux qui s'y trouuerent, deuroit
faire dresser les cheueux à la teste, &
redouter le trenchant de l'espee d'un
bourreau.

Je ne trouue de rien moins estran-
ge, pour estre ledit Admiral homme
subtil & retenu en ses parolles, que
peu apres il se vante auoir escrit a feu
monfieur le Connestable (duquel il
ne faiet point de consciēce detracter

tout ouuertement, & a tout propos
en recognoissance de l'aduancement
qu'il a receu de luy) & mandé par le
sieur de Toré son fils, que si on fai-
soit approcher les Suisses, il ne fail-
loit douter que les armes ne fussent
incontinent leuees par toute la Fran-
ce. Qui vaut autant a dire en bon
François, que si la maiesté ne se des-
armoist, qu'il luy contraindroit avec
la force de ses troupes, & ne cesse-
roit de luy faire la guerre iusques a
tant qu'il vint presenter son estomac
& poitrine nuz a la merci des pistol-
les reformees.

Et a tant ie laisse a iuger a toutes
personnes d'entendement, si c'est là
l'engaige d'un subiect, ou plustost
d'un crimineux de leze maiesté en
tous les chefs, menasser & brauiger
ainsi fierement son Prince, luy vou-
loir donner la loy, & le violéter ius-
ques

ques a là, qu'il ne puisse s'armer ou
desarmer, auoir telles personnes au-
pres de soy & pour son seruice, com-
mettre ou demettre tels Capitaines
au gouuernemēt de ses places, & re-
tenir telles forces qu'il veut, sinō en-
tant qu'il plaist audit Admiral son
grand regent & curateur, le luy per-
mettre & consentir.

Et parauenture qu'il se couurira
de ce que monsieur le Cardinal de
Lorraine, & quelques vns de sa mai-
son estoient a la Cour, ce qui auroit
bien quelque apparence (iaçoit qu'il
n'auoit occasion ny subiect de leur
rien quereller ny demander) si aiant
esté acertené de leur partement par
monsieur de Montmoranci, il se fust
deporté de son entreprinse, ou bien
fust allé trouuer les Guisars la part
ou ils estoient. Mais lon sçait que
nonobstant ledit aduis de l'absence

& retraicte desdits seigneurs de Guise, aiant ledict Admiral songé vn peu de temps, se resolut soudainemēt de poursuyure son principal but, qui estoit de prendre le Roy, & ce qui en depēd, & a faute de le pouuoir faire, l'assiēger & enclorre dedās Paris. Et voullāt pallier ce dessein, il adiousta d'auantage, qu'il differra d'aller baiser les mains dedās icelle ville, pour ce q̄ ceux qui tenoient le parti dudit seigneur Cardinal de Lorraine & du Roy d'Espaigne y estoient assemblez. En quoy sans rien reseruer ny excepter, sont taxez & comprins tous les Princes, Seigneurs, & Gentils-hommes de ce Royaume, qui accoururent, & se fermerent incontinent en ladicte ville, pour y viure & mourir aux pieds de sa Maiesté. Que sil est ainsi que l'Admiral interprete ceux estre Espaignols, qui demeurent en
l'obeissan-

l'obeissance du Roy, exposent la vie
& les biens pour son seruice, & pour
la defenſe & conſeruacion de ſa per-
ſonne & de ſon eſtat: Et ſi au cōtra-
ire ceux ſont reputez François en ſon
endroit, qui entreprennēt avec luy
d'exterminer le Roy, & meſſeigneurs
ſes freres, & uſurper la couronne, ce
ſeroit audit ſieur Cardinal, à ceux de
ſa maiſon, & a tous autres bons tels
& ſemblables ſubiects de ſa maieſté,
grand hōneur d'eſtre tenus pour Ef-
pagnols en ceſte façon: comme auſſi
ſeroit ce à ladiète ville de Paris, la-
quelle ſe peult vanter d'eſtre aujour-
d'huy le refuge, appuy, & ſouſtien de
la cauſe de Dieu, & de ſon Roy.

Quelquefois ledit Admiral extra-
uagāt & ſortant du droict fil de ſon
diſcours, entremetle des vieilles chā-
ſons, touchant vne certaine querelle
qu'il diēt Meſſieurs de Guyſe auoir

voulu faire de la Duché d'Anjou,
Chose dont iamais n'a esté parlé, &
ou il n'y a ny fondement, ny apparē-
ce, attēdu que ledit Admiral n'igno-
re point que lesdicts seigneurs n'at-
touchēt à la maisō d'Anjou, sinō du
costé des filles, ausquelles ladite Du-
ché ne peult tumber ny appartenir.
Aussi ne se treuve il point que lesdits
seigneurs en quelque temps que ce
soit, de faueur ou autrement, ayent
oncques fait querelle au Roj, ny de
Comté, ny de Duché, ny de la moind-
re terre qui soit en son Royaume.

Lon peult pareillemēt conter en-
tre les puantes & lourdes menteries
que ledit Admiral leur met à sus, que
pendant la derniere maladie de la
Roine, ils auoient brassez de tuer
Messieurs les Cardinal de Bourbon,
Chancelier, & Mareschaux. Et neāt-
moins ledit sieur Prince se plaint par
lettres

lettres que ledict sieur Cardinal de
Lorraine possède entierement ledit
seigneur Cardinal de Bourbon, & les
autres seigneurs du cōseil. Qui sont
deux choses bien repugnantes, & les
quelles implicans vne toute manife-
ste contradiction, ne seroient iamais
receües ni allouees entre les Philoso-
phes, que pour faulses & mēsongie-
res: comme en cas semblable ne sera
creüe de nous l'intelligence qu'il dit
le Prince de la Rochefuriō auoir euë
a sa mort, avec le Prince de Cōdé. Et
pour corroborer d'aduātage cest ar-
ticle, i'emplieray la valeur & preu-
d'hommeie desdits seigneurs de Gui-
se, & qu'ils peuuent a bon droict sou-
stenir n'estre ni de race, ny de volon-
té, ni de professiō meurdriere, & n'a-
uoir iamais commis acte indigne de
Princes biē nez & vertueux, tels que
par leurs œuures & deportemens ils

se sont faits tousiours cognoistre.
Mais c'est vne certaine ruse qui s'apprent & vsite en l'Eglise reformee, a sçauoir d'attribuer aux autres ce qu'ils ont designé de faire, pour par cest artifice nous esblouir & amuser, afin que nous sentions plustost le coup tomber sur noz testes, que nous ne l'aions apperceu venir.

Or Dieu soit loué que telles & semblables piperies, n'ont nul poix ny credit a l'endroit des personnes d'entendement. Et si les yeux du commun peuple en sont esblouis pour vn temps, il est certain que venant bien tost au dessus la verité par la victoire du Roy, elles ne seront lors moins reiectees & abhorrees des petits, qu'elles sont maintenant des grands.

Et pour s'agir en mon discours de ce qui appartient au Roy, ie l'irray a
part

part les particulieres, pour suiure de
point en point, & d'article en arti-
cle, les raisons q̃ l'Admiral a redigees
par escrit, entre lesquelles il fait grād
estat de ce que luy & les siens se sont
laissez cōduire à la paix: cōme si no^r
n'estions biē aduertis & informez,
qu'ils ne pouuoient plus longuemēt
entretenir la guerre, estans d'un co-
sté pressez de leurs François, de con-
clurre ledict Traicté: & d'autre part
sur le point d'estre abandonnez, &
parauenture emmenez prisonniers
par leurs Reistres propres, desquels
ils estoient contraincts par faute de
payemens, d'endurer toutes les op-
pressions & indignitez qu'un esclau
ne pourroit pas aisement cōporter
d'un bien fascheux patron & mai-
stre. Et faut croire que s'ils eussent
euz autāt de moiens de tirer la guer-
re en lōgueur, cōme ils s'envoyoient

belles fameux qui se publient contre ledit sieur Cardinal, sont composez par luy & par ses adherās. Et c'est ni plus ni moins que les Iuifs befflās & souffletans la precieuse face de nostre Dieu, luy demandoient par maniere de mocquerie, qui estoient ceux qui l'outrageoient?

Et pour continuer les plaintes dudit Admiral, il fait beaucoup d'instance que le Roy ait pourueu les ports & passages, & les principales & plus importātes places de son Royaume, de garnisons, & mesmement qu'en icelles il ne se serue que de gens qu'il appelle partiaux & factieux, pource qu'ils luy arrestēt & rompēt le cours de ses desseings, n'aiāt peu encores sa maiesté pour tout cela, si biē assseurer ses villes, q̄ ledit Admiral n'ait failly de s'emparer de Lyon, & dressé ailleurs d'autres pratiques, dōt il es-
roit

roit bien venir à bout, fil n'eust esté
preuenu de la sollicitude & vigilance
des gouuerneurs.

Or la plus grande querimonie est
des cōfrairies du S. Esprit, & des de-
scriptions des catholiques, qui se sōt
faictes soubs le nom & autorité du
Roj en quelqs endroiets de sō Roy-
aume. Et faut certainemēt cōfesser,
que la gloire de ceste inuétion en est
deüe audit Admiral, qui nous en a a-
pris le chemin, aiāt sceu si biē vnir &
ligner ses forces, par le moyē & sous
la couuerture des synodes & consi-
stoires, q'ue vn sifflet il les a fait tous-
iours mettre ensemble, aiāt par ceste
dexterité & par la societé de ses Egli-
ses, dōné telle terreur & frayeur aux
Catholiques, qui ont esté iusques ici
separez & descousus, qu'une petite
poignée de gēs tenoit en subiection
tout vn païs. Mais il y a biē de la dif-

ference entre les associatiōs de l'Admiral, dōt nous sentons tāt de mauuais effects, & les cōfrairies du S. Esprit, qui se font par les gouuerneurs des prouinces, par permission & cōmandemēt du Roj, lequel aiant faiēt preuue a son tresgrand regret & dōmage de l'infidelité d'aucuns de ses subiects, est bien cōtent pour s'asseurer desormais de cognoistre le nōbre & les moiens de ceux qui sont restez en sō obeissance, pour en tirer tel seruice & secours que le biē & necessité de ses affaires le requerra. Ce que ledit sieur Prince de Condé voulant empescher, a tasché de persuader sa Maiesté, que ces façons & formés de Cōfrairie, luy estoiet grandemēt preiudiciables, & que le peuple prenoit trop d'autorité: luy aiāt sur ce faiēt respōse sa maiesté, que sil estoit ainsi q̄ ledit sieur Prince luy escriuoit, ce-

la luy desplairoit merueilleusement.
Mais lesdites Cōfrairies n'estāt autre
chose en effect, que reueües & descri
ptions de ceux qui pouuoient porter
les armes pour son seruice, qu'il ne
les pouuoit trouuer mauuailes, &
qu'il les auoit ainsi commandees.

Et pleust à Dieu que lesdictes cō
frairies & descriptiōs, soient ausdits
Prince, Admiral, & leurs adherans
merueilleusement odieuses, elles eus
sent esté faites si a propos, qu'on eust
eu moien d'arrester le cours de leurs
desseings, & d'empescher qu'ils ne
passassēt du milieu du Roiaume, ius
ques à l'une des extremittez d'icelui:
comme il eust esté fort aisé, si les Ca
tholiques n'eussent esté encores nou
ueaux & apprentifs en telles choses.
Et lors indubitablement on eust iu
gé lesdites descriptions estre autant
auantaigeuses & necessaires pour le

seruice du Roj, comme trespreiudicia-
bles à ses ennemis. Lesquels ce pē-
dant ne disent point que pour quel-
que furté que sa Maiesté leur ait don-
nee, & nonobstant les Edicts de Pa-
cification, ils n'ont iamais cessé ny
discontinué leurs associations, colle-
ctes de deniers & intelligences, tant
au dedans que hors le Royaume. Et
que même a grand peine le dernier
Edict estoit publié, & leurs Reistres
hors des Frontieres, qu'ils enuoyerēt
en Allemagne vn nommé Francourt,
lequel y est encores, pour traîner &
dresser des nouuelles pratiques. Par
ou on voit que dès lors ils n'ont eu
autre volonte q̄ de recommācer les
troubles à la premiere commodité
& moyen qu'ils en auroient. XIIII

Or l'Amiral pour esguillonner
& aigrir de plus en plus ledit sieur
Prince, il fait vn long narré de quel-
ques

ques propos qu'il dit auoir esté tenus
a son grand deshonneur & desauan-
tage, en vne assemblee faite le dixhui-
tiesme du mois de Iuliet dernier, en
la ville de Dijon, par le Conseiller
Begat, lequel les a depuis maintenu
de faux, ayant enuoyé offrir sa teste
au Roj, sil se prouuoit qu'il eust vsé
de langage tât soit peu y approchant.
Et veritablemēt ledit Begat s'est touf-
iours monstré personnage si respec-
tueux des grands, & si bien aduisé
en ses actions, que ie trouueroye au-
tāt estrāge cela de luy, que de person-
ne de sa robe: Et mesmes que comme
il dit, faisant ladicte assemblee, & crai-
gnant d'estre calomnié, il fut permis
tout expres à ceux de la nouvelle reli-
gion d'y entrer & assister, au tesmoi-
gnage desquels il se raporte.

Et pour n'obmettre rien en arrie-
re de ses artifices accoustumez, ledict
Admiral feïct & suppose que le sieur

de Tauannes, auoit promis d'enuirō-
ner le diēt sieur Prince, & le surpren-
dre en la ville de Noyers. Ce qui n'est
moins faux & mensonger, que la let-
tre qu'il dit auoir esté écrite par ledit
sieur Cardinal de Lorraine à madame
de Guyse sa mere, signee de luy, & de
monfieur d'Aumale son frere, conte-
nant qu'ils ne leur auoit esté possible
d'empescher la conclusion de la paix,
mais qu'ils empescheroiēt bien l'exe-
cutiō. Chose q̄ ie remets aux droiēts
de Prouēce, aux bruslemēs des mou-
lins de Paris, & à telles autres absur-
ditez & impostures.

Et encores que lediēt Admiral soit
accort & subtil pour prester de telles
charitez à ses bons amis, & que quād
il veut sonner la trompette par toutes
ses Eglises, il ait appris de faire courir
des paquets qu'il dit auoir esté depes-
chez à Rome, & en Espagne, & des
propos qu'il feinct auoir esté mandez

par l'Empereur, du tout contraires à l'integrité & religion de sa maiesté, si est-ce qu'en c'est endroiect, il n'a sceu si bien se parer, qu'il ne se coupe en vn autre article, ou il confesse tout ouuertement qu'il n'a tenu qu'a eux, & à ce qu'ils demandoient des presches à Lyon, q̄ la paix n'ayt esté cōclue trois mois au parauant. Dont il est à colliger, que le Roy & ceux de son party, se sont dés le commencement rendus tresenclins & faciles à la paix, & qu'eux au contraire en estoient seuls refusans.

Et de vouloir se formaliser que le Roy pour entretenir le cōmerce des nations estrâgeres, & pour autres bōnes & grandes considérations, ayt transferé le presche dudiect Lyon en vn lieu circōuoisin, & pour ce regard luy cōtinuer la guerre trois mois durant; ie ne sçay comme cela se pourroit proprement appeller entre les

hommes, sinõ qu'il soit en la puissance dudit sieur Prince & Admiral, de se reuolter contre leur Prince, s'il ne reçoit & obserue de poinct en poinct ce qui luy est par eux prescrit & ordonné.

Et pour enfler & amplifier d'auanta-
ge son discours, ledict Admiral nous
raporte vne liste de ceux de sa factiõ,
qui preted auoir esté excedez par cy
par la, és villes ou ils vouloiẽt rétrier.
Et de ma part ie ne puis nier, que tel-
les façons de faire ne soiẽt extraordi-
naires, & q̃ le Roj sur les plaĩctes qui
luy en sont venues, n'ayt faict demõ-
stration de le trouuer tresmauuais, a-
yant enuoyé incontinent sur les lieux
des Marechalx de France, pour en
faire informer, & proceder avec tou-
te rigueur contre les delinquãs. Mais
aussi faut il aduouer, qu'il est bien dif-
ficile, qu'un peuple voyant deuant ses
yeux celuy ou ceux qui luy ont brus-
lé

lé ses maisons, tué ses enfans, rauy ses biens, ne soit induict avec vne iuste douleur de s'en resentir & rechercher quelque vègeâce des pertes & ruines qu'il a receües. Cecy n'est toutefois pour excuser ceux qui l'étreprennēt, d'autant qu'il n'appartient au peuple d'vsurper ceste authorité sur la iustice: ne pouuās aussi ceux de la nouuelle religion se plaindre & doulouir que le Roy ne leur en ayt faict ouuerture, ayāt tout expres depesché par les Provinces des premiers & pl⁹ anciēs maistres des Requestes de son hostel, qui sont encorēs attendās qu'on leur administre tesmoings, afin de punir les infracteurs des Edicts & ordonnāces de sa maiesté. Partāt ledit Admiral ne peut alleguer qu'il y ait eu aucune cōniuēce ny mauuaise intention en leur endroit du costé du Roj: trop biē que quād ledit sieur Prince de Condé luy en a faict requeste pour tous ceux de

vniuerselle de ce Royaume, couuee
& couuerte sous le tiltre du biē faul-
cēmēt promis & publié par ledit Ad-
miral, lequel en a fait incōtinēt veoir
les effets par la cōfusion de tous les e-
stats, & par l'ēbrasement de toutes les
Prouinces & cōtrees de nostre Frâce.

Finalemēt & pour cōclusiō de son
discours, apres auoir reiteré par plu-
sieurs & diuerſes fois, le tort qui pre-
tend luy estre faiēt, par l'ordre qu'il a
pleu à sa maieſté dōner & establir en
ce Royaume, pour obuier à tous re-
muemēs, & pourueoir a la ſurté de sa
persōne & de son estat, ayāt biē grād
regret que luy & ses cōplices se voiet
presque decheuz de l'ēſperance qu'ils
se promettoyēt de l'enuahir & occu-
per: & apres qu'il a biē desgorgé tout
son venin contre ledit ſieur Cardinal
de Lorraine, ramassant toutes les ca-
lōnies qu'il luy a par cy deuāt impo-
ſees, il proteste de n'ēployer la guer-

re

re & les armes qu'il a leuees, que cōtre
sa persōne tāt seulemēt. Et neātmoins
luy & les siēs vont desmaintenāt four-
rageans & pillās le plat païs, se retirent
à la Rochelle, pour y amāsser leurs
troupes, & de là brāsquetter & assie-
ger les villes: & en sōme cōmettēt to⁹
actes d'hostilité contre le Roy & ses
subiects: adioustant en outre à sa belle
prestatiōs, q̄ tous les mādēmēs, expe-
ditions, cōmissiōs, & lettres de sa Ma-
iesté, qui se despescherōt contre eux,
tous les arrests & iugemēs qui se don-
neront des Cours de Parlement, pour
cōdemner leurs entreprinſes, ils les im-
puteront audit sieur Cardinal. Il pro-
teste d'auantage que de tous les maux,
exces, desolatiōs, & cruautez, que luy
& les siens cōmettront, il ne leur en
pourra iamais rien estre imputé: cōme
si vn voleur faisant vne semblable de-
claration au parauant que de couper
la gorge à vn marchand, pensoit pour

cela en estre quite: & tout ainsi que Pilate aiant lau   ses mains, & protestant d'estre innocent de la mort de nostre Dieu, pretendoit d'estre suffisamment descharg   de l'inique iugem  nt & condemnation qu'il en faisoit.

Et pour authoriser tant d'honnorables & magnifiques protestati  ns, ledit Admiral inuoque le nom de Dieu, implore le secours & assist  nce de tous les princes voisins & alliez de ceste cour  ne, & generallem  nt la faueur & bienveillance de tous les peuples estrangers & des subiets du Roj, pour c  sentir & aggreer toutes les pilleries, degats, extortions, ran  onnemens, meurtres, sacrileges, rebelli  ns, assassinats, ruines, & bruslem  ns qu'il a par ci deuant faits, & espere de faire & c  tinuer    l'aduenir. & en cela se cognoit assez & decouure de soy mesmes l'impud  ce & plus que funeste & sceleree malice d'un insigne moqueur & proditeur, lequel ay  nt iu-

ré & déclaré vne guerre vniuerselle, à
feu & à fāg, cōtre Dieu, cōtre les Rois
Princes & Potētats, cōtre les polices,
peuples & Republiques, ose biē neāt-
moins les appeller à sō aide & faueur,
tour aīsi q̄ s'il parloit à eux en ceste for-
te, Seignr Dieu, i'aduoüe qu'il y a plus
de mil & cinq cens ans, q̄ tu as voulu
estre serui & honoré en to^r lieux d'une
mesme creāce, envne mesme Eglise, a-
uec mesmes ceremonies, & constitu-
tiōs, par des peuples bien vnīs en mes-
me religion, sous l'authorité des Prin-
ces & Pasteurs que tu as establis & or-
dōnez pour leur direction, afin q̄ d'un
mesme voix & d'un mesme cueur,
ta gloire fust preschee & annōcee par
tout le mōde. Et vous Rois & Monar-
ques, il y a plus encores que vous auez
ceste autorité, de faire viure les peu-
ples sous voz loix, leur faire obeir à
voz commādemēs, vser de plain pou-
voir sur voz subiects, & d'une conti-

nuelle succession de pere en fils, de race en race, delaisser ce droit & preeminence à vos enfans. Toutesfois puis q'ie voy & apperçoy les hōmes selon la reuolution des tēps, tendre & incliner à changemēt, soit pour le regard de la Religion, où de la police & discipline ciuile, qui m'empeschera de troubler & peruertir l'anciēne obeissance? Et si vn Mahomet, de simple pastre, s'est fait premier autheur & fondateur d'un si grād empire que celuy des Otomans: si vn citadin Romain a cōquis & subiugué les Gaules en dix ans: si tant de Rois ont esté despouilleez par des petits compaignons de leurs subiects: Et si pour venir a nostre temps, vn Cousturier s'est faict Roj des Anabaptistes en la Germanie: si vn bastard par subtils moiens s'est attribué la couronne d'Escoffe: & si desia i'ay remué l'estat d'Espaigne, reuolté celuy de Flādres & esbrālé si auāt ce Royaume, qu'un bō

nom-

nóbre de la Noblesse & du peuple s'est
asseruy & soumis a mesvolútez, pour-
quoy aiāt si beau subiect ne pousseray
ie ma fortune iusques au bout: & mes-
mes qu'estāt vaincu ie ne puis riē per-
dre que la teste, que i'ay ainsi qu'ainsi
par mes forfaitz engagee au Roj & a
la iustice: vainqueur ie demeure mai-
stre de la plus grande & opulēte Mo-
narchie de tout le monde?

Voila en somme le langage que le-
dit Admiral tient en son cueur, & dōt
nous voyons les desseings & effectz si
cōformes, que nous n'en pouuōs plus
douter, sans en res sentir tout aussi tost
vne presente & toute manifeste ruyne
& perte de l'honneur de nostre Dieu,
de l'estat & personne de nostre Roy,
& du repos & furté de noz maisons,
& de nostre vie propre. Et neātmoins
ce fin & disert harengueur, nous pense
si grossiers & hebetez d'entédement,
si aueuglez & esblouys des yeux &

du corps & de l'esprit: bref si perduz
& defaillis de tout sentiment, q̃ nous
deuõs receuoir à credit toutes les fau-
ses impressiõs, & croire que perdans
nous gagnons: mourãs nous viuons:
que la guerre soit paix pour nous: que
la ruine totale du peuple soit le bien
public: les calamitez soient son repos:
les vsurpations & entreprinſes contre
l'estat du Roy, l'occupation & em-
blemēt de ses villes, la generale subuer-
ſion de ſa pauvre Frãce, ſoient toutes
choſes pour ſon ſeruiſe: que ceux qui
n'ont rien en telle & ſi particuliere af-
fection que la conſeruatiõ de ſa co-
ronne, luy ſoiēt iurez & capitaux en-
nemis: ceux au contraire, leſquels taſ-
chent le priuer & ſpolier & de la vie
& de l'estat, ſoient les plus feaux amis,
bons ſubiects & ſeruiteurs.

Or nous declarõs que ce iargon eſt
tout nouueau, n'ayant iamais eſté re-
ceu ny vſitē en lieu du monde: q̃ nous
ſommes

sommes instruits & enseignez d'appeller toutes les choses que Dieu a crees par leurvray nom: de croire que la paix soit paix: la guerre guerre: les amis amis: les ennemis ennemis, & ainsi consequemment. Et partant que ledit Admiral peut bien porter ailleurs sa marchandise, estant si euentee & descriee en ce Roiaume, voire entre ceux de sa religion, qu'il n'y a que quelques vns de ses cōplices, participans de ses secrets coupables de mesmes crimes, & attendans mesmes supplices, qui soiēt deliberez de croire plus en ses paroles. Et de nostre part nous protestōs & declaronz ne vouloir recognoistre autre Seignr que nostre Roj, que tout ce qui vient de luy, Lettres, depesches, Edicts & Ordonnances: tout ce qui est emané ou de sa bouche, ou aduisé par la Roine sa mere, & messieurs de son conseil, doit estre tenu pour sainct & inuiolable, receu & respecté

par ses subiects : & que cest vne notable rebellion de mettre en dispute ses grâdeurs & aūthoritez, & de luy vouloir faire à croire que les commandemens soyent, ceux, ou du Cardinal de Lorraine, ou de quelque autre qu'il soit encore enfāt & en bas aage, n'ayāt ni volonté ni liberté, qu'il soit entiere-ment occupé & possédé par l'edit Cardinal : que ladite Roine sa mere & Messeigneurs ses freres soient en mesme captiuité, que tous mesdits sieurs du conseil, Princes, Seigneurs, Mareschaux & Officiers de France, Cheualiers de l'Ordre, Chancelier, gens de longue robbe ne parlent & n'opinent que par la bouche & à l'appetit d'autrui : qu'ils se laissent lier leurs cōsciences : que les forces & gardes de sa maie-
sté, mesmement les Colonels & Capitaines soient adherans & sectateurs de la volonté & bō plaisir dudit sieur Cardinal : que les villes, la Noblesse, &
le

le peuple de ce Royaume ne regardent & reuerēt que les despeschēs & mandemens: que de retenit la Rochelle, enuahir les autres villes, faire pēdre les habitans de Parthenay, pour ce qu'ils ne veuillent receuoir les Mareschaux du Camp du sieur Dandelot: prendre monsieur le Grand sous couleur d'hospitalité, piller & depouiller entierement sa maison: capituler auec l'Anglois, solliciter les Allemans, ce soit faire la guerre au Cardinal, & non au Roy? Que monseigneur d'Anjou soit son lieutenant general, & non du Roy? Que les Mareschaux & Capitaines soient les Mareschaux & Capitaines, & non pas de sa maiesté?

Et aians faicte ceste declaration, qui est comme vne sommaire cōfession de ce qu'un bon subiect doit croire & approuuer touchāt l'obeis-

sance & respect qu'il est tenu porter
au Roy, & de l'opinion qu'il doit auoir
de l'estat & manimēt des ses affaires:
nous protestōs à Dieu, iuge & scrutateur
des consciences, & vniuersellement
a tous les Princes, Monarques, peuples,
& republicques de la Chrestienté,
dont la cōseruation est conioincte
auec celle de sa Maiesté: que continuāt
ledit Admiral, & perseuerant en ses
desseings, blasonnant l'aage & entendemēt
du Roy, la prudence & aduis de la Roine
sa mere, mescognoissāt l'autorité de
Mōseigneur d'Anjou, detractant des
conseils & actions des plus grands
Officiers de cestecourōne, mesprisant
les Arrests des Cours souueraines: Et
oultre cela, rōpāt la traicte de Paix,
allumāt la guerre p tout ce Royaume,
& entreprenāt de se saisir & inuestir
de l'estat de sa maiesté: No^r dy-ie, &
tous

ter
a-
af-
&
uer
ar-
la
est
té:
er-
am
oru
e,
sei
n-
fi-
es
Et
al
e,
ir
e
s

tous bons subiects du Roj, ne pou-
uons faire autremēt que protester de
tenir & reputer ledit Admiral & ses
cōplices ennemis iurez de Dieu, du
Roj, & de son peuple, enuieux & per-
turbateurs du repos public. Et pour
auoir la raison & iustice d'vne si ty-
rannique & sceleree rebellion, après
auoir recognu que c'est pour noz
fautes & grieues offenses, qu'il a pleu
à nostre Dieu bailler les verges en
main à ce bourreau pour no' fouet-
ter, & qu'ordinairement il en vse ainsi
à l'endroit de peuples qu'il veult cō-
seruer, nous le supplions les mains
ioinctes & les yeux leuez au ciel, de
nous estre père misericordieux, pro-
tecteur de l'integrité & innocēce de
nostre Roj, & de nos ieunes Princes,
& de la vie de la Roine leur bonne
mere, & ne vouloir permettre ni cō-
sentir à la ruine de ce Royaume, au-

quel son nom est encores par la sainte
criste grace annoncé, seruy, & honoré,
de plus que de deux & trois millions
d'hommes, qui ne flechirēt oncques
les genoux deuant Baal. Et d'autant
que ceste cause est si commune avec
l'intérêt de tous les autres Princes &
Monarques, qu'ils ne peuuent estre
sans nous asseurez de leurs estats ny
personnes; & que la rebellion est co-
me vn chanere qui gaigne peu a peu
& infecte tous les voisins, les ayans
appelez & implorez à nostre aide,
nous les priés se souuenir du secours
qu'eux & leurs ancestres, Alemans Ita-
liens, Flamens ont autrefois tiré en
telle & semblable affliction des de-
uanciers de nostre Roy.

Que si d'auantage il n'y a religion
au monde qui ne condamne les at-
tats & vsurpatios qu'un mauuais su-
iect entreprens & execute contre son

Prince, ie ne feray point de difficulté
d'aduifer les sectateurs & adherans
dudit Admiral, mesmemēt ceux qui
se disent n'estre poussez que d'un zele
de Religio, & pour la liberte de leurs
consciēces, que la querelle de leur
grand Colonel, n'a rien de com-
mun avec la Religion: ains que c'est
vne pure cōiure, & vne toute notoī-
re & descouuerte rebellio. Et si leur
reste encores quelque instinct de ce-
ste valeur & deuotion François, que
la noblesse a tousiours cōfactee a son
Roi: fils portent quelque amour &
affection a leur patrie, qui les a si che-
rement & tendremēt eleuez: & s'ils
ont leur honneur & le repos & conser-
uatiō de leurs maisons, femmes & en-
fans, en telle estime & recommandatiō
qu'ils demōstrent & doiuent auoir,
ie les prie & admoneste vouloir bien
peser & considerer, combien ce leur

fera plus de seurté, honneur, & aduantage, demeurans en l'obeissance du Roy, & luy rendans seruice en ceste virgente necessité, maintenir, & defendre leur Prince, leur patrie, leur reputation, leurs maisons & familles, que de se precipiter en vn peril eminent, & perdre en vn coup toutes ces choses, en adherās a la conspiration dudit Admiral, homme estrāger, ennemy capital & declaré de Dieu, du Roy, & de la France, & generalemēt de tous les Monarques & peuples de la Chrestienté.

Et quant audiēt sieur Prince de Condé & autres seigneurs ses adherans, comme le Roy & ses bons subiects regrettent en leur cœur, selon qu'il a esté dit au commencement de ce traicté, qu'ils se soiēt distraicts & departis de la cōpagnie & obeissance de leur souuerain Seigneur, &

de leurs bons parens, amis, & seruiteurs, & se laschent du tout aux enforcelemens & piperies dudiect Admiral: aussi desideroiēt ils bien qu'ils voulussent finalement recognoistre leur createur, & vser de la douceur & grace qui leur est presentee: ne pouuant au surplus sa maïesté, ou il les sentiroit endurcis & deplorez, n'auoir recours à la seuerité de la iustice, & a la force des armes, plustost qu'en souffrant & conuiuant, laisser deperir & ruiner son estat, & la substance de son pauvre peuple.

Et estant ceste résolution d'autant plus necessaire que nous voyōs les ennemis inueterez en la fureur & ardeur de leurs desseings, & tendre tout ouuertement à l'vsurpation de la couronne, ie ne puis faire fin a ce discours, sans preallablemēt supplier lesdits Princes de Nauarre & de Cō-

BIBLIOTECA NAZIONALE
ROMA
VITTORIO EMANUELE

FELIX